

LIBER
GALENI
DE
SYMPTOMATUM
CAUSIS
PRIMUS:

*In theses contractus, & publici ac solennis exerci-
tij gratiâ in inclytâ Argentoratensium
Academiâ ad disputandum propositus*

MELCHIORE SEBIZIO, MEDI-
CINAE DOCTORE AC PROFESSORE,
& Reipubl. Archiatro:

Respondente

JOHANNE GERHARDO Jägern/
Trinifanensi Idstenio - Nassovio.

In Auditorio Majore

Augusti, Horis matutinis



ARGENTORATI,

Typis EBERHARDI WELPERI,

ANNO M D C. XXXI.

VIRO NOBILISSIMO ET AMPLISSIMO;

Dn. JOHAN. MEINHARDO à Leyen, Illustris ac Generosi Domini,
Dn. IOHANNIS Comitis in Nassau Saarbrücken &c. Consiliario
& Archipræfecto Idstensi dignissimo; Susceptori ac patro-
no suo submissè colendo;

NEC NON

*Viris Amplissimis, Consultissimis, admodum Reverendis, Cla-
rissimis, Experientissimis, Spectatissimis,*

Dn. REYMUNDO Jäger / J. U. D. ejusdemq; Dn. Comitis Con-
siliario vigilantiss: in Idstein, Patruo:

Dn. ZACHARIÆ VIETORI, J. U. D. & Illustrium Comit. Waldeo-
censium Cancellario digniss: Affini:

Dn. M. TOBIÆ WEBERO, { Superintendentib. in Comitatu-
Dn. M. GOTFREDO STEPHANI, { bus Nassau Idstein / Wiesbaden
& Weilburg fidelissimis, Affinibus:

Dn. M. JOHANNI Jäger / Ecclesiæ ad fanum SS. Triados Pastori
fidei, Parenti:

Dn. M. MARTINO Jäger / Eccles. Birstad. Pastori digniss: Patruo:

Dn. PHILIPPO WEBERO, Med. Doct. Archiatro Saræpontano fe-
licissimo, Affini:

Dn. JOH. CASPARO Jäger / L. L. prædicti Dn. Comitis Con-
siliario, Patrueli:

Dn. M. GORGIO PLEBANO, in Breithardt / { Sororiis.
Dn. M. JOH. MECKELIO, in Kloppenheim / {

Dn. WILH. FRIDERICO Nassau, in Auroff / Consobрино & Compat-
singulis suis in locis verbi divini Ministris fidelissimis:

Dn. PHILIPPO CUSTORI, Prætori in Esche digniss. Sororio & Com-
patri:

Dn. ADOLPHO Jäger / Civi in Wiesbaden è primis. Fratr. German.

*Dnn. Patronis, Mecænatibus, Fautoribus, Benefacto-
ribus atq. Amicis suis, omni observantia & honori
cultu prosequendis,*

Librum hunc Galeni primum de Symptomatum
Causis, in grati animi σπουδῶν, debitæque ob-
servantiæ τεκμήριον consecrat ac offert

JOHAN. GERHARD Jäger /
Trinif. Idstenio - Nassovius.

LIBRUM GALENI DE CAUSIS SYMPTOMATUM PRIMUM

Prefatiuncula.



*V*M Galenus νοσολογίαν generalem nobis describeret, primum τὸ ὅτι, ipsas scilicet morborum differentias tradidit: postea τὸ διότι, hoc est, causas singularum differentiarum patefecit. Hunc eundem ordinem etiam in συμπτωματολογίᾳ observat: & priori loco symptomatum species & differentias recenset: quod fecit libro precedenti, qui περὶ διαφορᾶς συμπτωμάτων inscribitur: posteriori verò harum differentiarum causas explicat: id quod hoc opere, tribus libris comprehenso, & titulo περὶ αἰτίων συμπτωμάτων insignito, præstat.

Antequam verò eos in theses contrahamus, placet paucis eorum divisionem in partes maiores & minores præmittere: postmodum etiam primi libri ἀνάλωσιν in specie exhibere.

Dividitur autem totum opus de Symptomatum causis in partes majores tres.

I. est Exordium. I I. Tractatio. I I I. Appendicula quædam.

Exordium absolvitur cap. I. I. I. quo significatur, quid hoc in opere, & quo ordine docere velit.

Tractatio continetur reliquis capitibus singulorum librorum, & extenditur usque ad partem posteriorem capitis ultimi libri tertij.

In illis autem causis omnium symptomatum, actioni nimis læsa, immoderatarum excretionum & retentionum, denique simplicium corporis affectuum exponit: adeo ut illius iterum tria membra constitui possint.

In primo declarat causas primi symptomatum generis, nempe actionis læsæ: libro primo, secundo, & parte priori capitis secundi libri tertij.

In secundo causas enumerat secundi symptomatum generis, scil. immoderatæ retentionis & excretionis: parte secundâ capitis secundi libri tertij: cujus initium ibi: alterum ergo symptomatum genus consistit in multitudine & qualitate excretorum. Nec non cap. 3. & 4. ejusdem libri tertij.

In tertio tertij symptomatum generis, videlicet simplicium corporis affectuum, causas enarrat: parte priori cap. ultimi lib. tertij.

Appendicula extat parte posteriori capitis ultimi l. tertij, in quâ breviter ostendit, quanam symptomata necessario, & quæ non necessario se invicem sequantur.

CAETERUM, primus liber operis de causis symptomatum, quem nunc præ manibus habemus, in duas partes majores disparti potest.

I. est Exordium operis totius, quo in breviter significat, quid in eo docere velit, & quo ordine: quod scil. causas symptomatum, & quidem eo ordine, quo differentia eorum præcedenti libro tradita fuerunt, explicare habeat in animo. Cap. I.

II. Tractatio, in quâ causas eorum symptomatum patefacit, quæ sensitive actioni eveniunt. Potest autem memorie & clarioris doctrinæ causâ rursus in 4. membra subdividi.

In primo causas symptomatum, quæ quinque sensibus externis accidunt, edisserit. Capit. 2. 3. 4. & 5.

In secundo causas voluptatis & doloris in omnibus sensibus externis, tum generales, tum speciales, ostendit. Sunt enim voluptas & dolor ejusmodi accidentia, quæ omnibus sensibus communis

munia sunt: quanquam in Taetū & Gōstū sint evidentiora: minū in Auditū: omnium minimè in Visu. Cap. 6.

In tertio de causis symptomatum; quæ ob exquisitum orificij ventriculi sensum contingunt; agit. Cap. 7.

In quarto causas adycit eorum symptomatum, quæ πρῶτον αἰσθητικῶν, ipsi scilicet Cerebro, eveniunt. Cap. 8.

THESIS I.

DE differentiis symptomatum actum est libro præcedenti. De causis eorum agendum restat libris tribus sequentibus: & quidem eo ordine, quo ordine differentiarum fuerunt propositæ. Cap. 1.

Exordiū
operis
tini.

2. Dictum autem, symptomatum genera in universum esse tria: & primum dissertatum de *la sâ actione*: sub quâ inaudire etiam oportet eam, quæ prorsus periit. Cap. 1.

3. Cùm verò actiones sint duplices: φυσικαί, naturales, & ψυχικαί, animales: initium factum ab animalibus: eaq; in αἰσθητικὰς, sentientes, κίνητικὰς, motivas, & ηγεμονικὰς, rectrices, sive principes divisæ. Itaque etiam omnium primò causæ symptomatum, quæ in actionibus animalibus observantur, enarrandæ sunt: & quidem eorum, quæ in actionibus sentiendi contingunt. Cap. 1.

4. In his ergò triplex incidit symptomatum differentia: quia in omni sensu tres necessariae sunt causæ: *primarium sensus instrumentum*: *sentiendi facultas*: & ea, quæ *primario sentiendi instrumento subserviunt*: quarum causarum affectus tria symptomatum genera in actionibus sensitivis pariunt. I. est, cùm πρῶτον τῆς αἰσθητικῆς ὀργάνων, primum sensus instrumentum malè est affectum: II. cùm ἡ δύναμις αἰσθητικῇ, sentiendi facultas laborat. III. cùm aliquod eorū, quæ primo sentiendi instrumento famulantur, malè habet. Cap. 1.

Tractatio
nis mem-
brum pri-
mum.

5. Manifestum hoc est primum in actione sentiendi ea, quæ *visiva* appellatur. In hac enim tres istæ causæ concurrunt. I. primum videndi organum, humor crystallinus. II. sentiendi facultas, quæ à cerebro per nervum opticum ad humorem crystallinū transmittitur. III. partes illi servientes, oculi tunica, humores, spiritus, palpebræ, &c. *Cap. 2.*

6. Quodsi igitur aliqua harum causarum malè affecta fuerit, animal, vel malè videbit, diminutè scil. aut depravatè: vel prorsus non videbit. *Cap. 2.*

7. Cæterum, affectus humoris crystallini, quorum causâ visio læditur, triplices sunt: similes, dissimiles, & communes. Similes sunt octo intemperies: 4. simplices, totidemque compositæ. Organici, dimotiones & translationes à sede propriâ. Nam si humor crystallinus sursum deorsumve inclinet, facit, ut, quæ videtur, duplicia appareant. Communes, continui solutiones. *Cap. 2.*

8. Affectus, qui facultatem impediunt, quò minus oculo communicetur, itidem sunt triplices: similes, dissimiles, & communes: suntque vel cerebri, vel nervi optici. Similes sunt octo intemperies. Dissimiles, obstructions, compressiones, quæ cavitates harum partium lædunt, & tumores p. n. qui ex humorum affluxu nascuntur. Communes, continuitatis, sive unionis solutiones. *Cap. 2.*

9. Affectus partium, quæ crystallino humori famulantur, & causæ sunt symptomatum, quæ in visione contingunt, varij sunt, quoniam & partes famulantes variæ existunt: uvea nimirum tunica, humor aqueus, spiritus animalis, tunica cornea, tunica adnata, & palpebræ; de quibus ordine dicendum. *Cap. 2.*

10. *Uvea affectus visum lædentes*, vel organici sunt, vel communes. Organici sunt, obstructions pupillæ, sive foraminis, yuæ insculpti, quod Græci *κόρη* appellant, ampliationes, sive dilatationes, & imminutiones. Communes
sunt,

sunt, ulcera & vulnera. Hoc enim uveæ foramen, per quod crySTALLINUS humor ad corneam se applicat, ac per eam, velut per subtile lucidumque cornu colores videt, 4. modis à naturali statu recedit. I. cùm p. n. augetur & dilatatur. II. cùm diminuitur & angustius redditur. III. cùm divellitur. IV. cùm rumpitur. *Cap. 2.*

11. *Auctio*, seu *ampliatio*, visui semper incommodat; siue nobis congenita fuerit; siue nobis jam in lucem editis contigerit. *Diminutio* non semper visum offendit. Nam si in utero contracta sit, acutissimi visus occasio est. Sin postea evenerit, pravam visum facit. *Divulsio* & *ruptio*, quocunque tempore fiant, noxam notatu dignam visui minimè afferunt: quod *Galenus* experienciâ sibi comprobatum testatur. *Cap. 2.*

12. Cur verò amplitudo foraminis uveæ perpetuò videndi actioni noceat: angustia verò non semper? investigatione dignum est. Causa autem facilè invenitur, si in memoriam revocetur, nervum, qui à cerebro ad oculum fertur, arque ob id à Medicis opticus: ab *Herophilo*, quòd solus manifestam cavitatem habeat, *πρόπος* vocatur, spiritus animalis viam esse, huncque per illum à cerebro in oculos cōfluere. Id quod ex eo perspicere licet: quia si alterum oculum claudamus, alterius pupillam dilatari cernimus: non aliâ sanè de causâ, quàm quòd spiritus, qui priùs ambobus erat distributus oculis, in unum duntaxat commeet. Quo ex signo etiam dignoscere licet, num ijs, qui suffusione laborant, acu admotâ; administratâque compunctione, visum recepturi sint, necne? Nam quibus altero oculorum clauso pupillam dilatari contingit, eos compunctos visum recuperaturos spes est. Indicium quippe est, spiritus animalis adhuc à cerebro in crySTALLINUM humorē, & in id, quod ei objectum est, spatium, demitti. Quibus verò foramen uveæ non dilatatur, ijs spiritus visorius ad hæc loca minimè fertur.

tur. Ideoque visum nunquam recuperant : etiam si jucundissime & optime tractentur. *Cap. 2.*

13. Ex quibus evidentissimum est , confluere ad oculos à cerebro spiritum animale, tum in crystallinum humorem, tum verò omnem in locum, sive spatium, quod illi est objectum, & quod uveæ foramen determinat. Quare, nil mirum, amplitudinem hujus foraminis ad bonam visionem parum esse commodam. Etenim pupilla, sive in prima statim, quæ in utero fit, cōformatione : sive postea amplior reddita, non potest universa à spiritu, quem cerebrum largitur, impleri. Ideoque diffusus, dissolutusque, & dissipatus, visionem reddit infirmiorē. Vis enim unita ac coacta robustior est, efficaciusque operatur, quàm dissipata atque dispersa. Unde fit, ut qui amplas latasque habent pupillas, oculis conniventibus, res penè omnes intueantur. Nam ne spiritus eorum visorij à lumine externo diffusi dissipentur, palpebras contrahant necesse est. Contrà, pupillā angustatā, spiritus colligitur, & constringitur, densiorque evadit. At ostensum *in libris de usu partium*, spiritum coactum atque constrictum ad sensus bonitatem conferre : dissolutum verò dissipatumque sentiendi difficultatem adferre. *Cap. 2.*

14. Cura autem morbi ratione minor reddita pupilla mediocri deterior sit? nunc indagandum. Hoc autem non fit per se, quia exigua & angusta est pupilla: (aliàs semper visui noxia esset) sed duntaxat ex accidenti: nimirum occasione pravorum affectuum, quos sequitur, quique oculum ita affligunt, ut deterius videat. *Cap. 2.*

15. Horum verò affectuum unus ad ipsam duntaxat uveam tunicam spectat: alter ad humorem tenuem, qui inter crystallinum & uveam consistit, quique à *Galeno* aliàs aqueus nuncupatur. *Cap. 2.*

16. Affectus solius uveæ est *ἐκτασις & χαλασις*, extensio & laxi-

laxitas : ex quibus tamen tensio pupillam reddit amplio-
rem: laxitas verò angustio-rem. Sunt enim, inquit *Fuchsius*
in comment. affectus contrarij : ideoque & contraria effici-
unt. Nil autem mirum, laxitatem, utpote quæ non est, nisi
tensionis remissio, teste *Galeno l. 5. simpl. c. 10.* & humiditatem
emollientem sequitur, angustio-rem facere pupillam. Nam
uvea tunica nimio humore imbuta, mollior & quasi solu-
tior effecta, laxatur & remittitur, adeoque in se ipsam col-
labitur. Eâ verò in se concidente laxiorêque factâ, fora-
men quoque ejus in se collabi, contrahi, & corrugari, adeo-
que minus atq; angustius reddi necesse est. Id quod etiam
in externis subinde partibus accidere videmus. Nam & li-
gamenta articulorum, immodico imbuta humore, rela-
xantur.

17. Affectus verò humoris aquei, ob quem pupilla, sive
foramen uveæ, fit minus, & angustius, & visus deterior, ἔλ-
λαψis, defectus quidam est. Ostensum enim in *libris de*
visu, de us. part. & de plac. Hipp. ac Plat. crystallinum humorẽ
quodam semper propugnaculo indigere, ut citra offensam
externum splendorem sustinere queat. Ex propugnaculis
autem etiam unum esse humorem aqueum : qui præterea
crystallini quoq; humoris ὁσίαν, essentiam, nonnihil juvat.
Quare, ubi humor iste parcior factus est, ipse quoque cry-
stallinus humor aridior redditur : eò quòd non satis libera-
liter humore imbuatur. Deficiente ergò humore aqueo,
vacuatur spatium internum, quod est inter uveam & cry-
stallinum liquorem. Uvea verò super ipsum decidens,
spatium, quod inter ipsam & crystallinum est mediũ, bre-
vius efficit. Quocircà, cùm crystallinus cogatur hoc no-
mine per breve admodum spatium externi aëris splendori
occurrere, persimili laborat pathemate, ut ij, qui apertis &
inconviventibus oculis Solem intuentur. Quorum certè a-
liqui excæcati sunt : omnes verò ita offensi, ut vix unquam

pristinū recuperare visum potuerint. Fieri. n. non potest, ut visus ὄργανον splendidam lucem citra offensam tolerare valeat. Proinde, ne splendidā luce facilè crystallinus humor læderetur, uvea tunica ei objecta est, quæ nigro simul & cœruleo colore est tincta. His namq; potissimū coloribus visus, à splendidā luce fatigatus recreatur. Cap. 2.

18. Atque hæc causā est, cur imminutus circa pupillam aqueus humor; & deteriorem faciat visum: & minus reddat uveæ foramen. Prius enim facit, quando crystallinus splendori lucis est objectus, nullo munitus propugnaculo ac munimento. Posterius verò, quia uvea contrahitur, corrugatur, & in se ipsam concidit. Cap. 2.

19. Eiusmodi autē oculorum affectus curatu difficilissimus est: quod scil. non sit, nisi sicca crystallini dyscrasia, ex aquei humoris effusione nata. Alter verò affectus, qui propter humiditatem uveæ pupillam reddit minorem, h. e. ipsa χαλασις; laxitas; minus pravus est. Difficilius quippe est similem partem exiccata & arefactam humectare, quàm humidam exiccare. Cap. 2.

20. Sed hæc medendi methodum attingunt. Idēoq; hīc sunt ἐτερογενῆς ἀλλότρια. Redeamus igitur ad ἔργον. Molēsta quidem est, quæ p. n. hoc est, morbi ratione, accidit pupillæ parvitas: bona verò, quæ σύμφυτος, nativa. Amplitudo autem, quæ σύμφυτος, nequaquam bona. Neque verò ea; quæ παρὰ φύσιν evenit, bona est: minùs autem hāc ipsa mala est angustia. Quippe causā; ut ita dixerimus. συνεκτική, amplitudinem pupillæ generans; uveæ tunicæ τάσις, tensio est: quemadmodum parvitatē χαλασις, laxatio. Cap. 2.

21. Itaque collatis inter se amplitudine & angustia pupillæ præternaturalibus, angustia minùs, quàm amplitudo mala est. Ratio est: quia hæc à siccitate: illa verò ab humiditate oritur. At difficiliùs similarium partium siccitas curatur, quàm humiditas. Tensio autem uveæ causā amplitudinis

humiditas est, & siccitatem sequitur. Laxitas vero parvitatem
causat, & ab humiditate proficiscitur. *Cap. 2.*

22. Porro, cum *Τένσις*, tensio, affectus sit uveæ, sciendum,
tensionem istam accidere bifariam. I. κατὰ τὸν ἐαυτῆς λόγον,
cum scil. uvea per se, primò, & nullo alio interveniente la-
borat: II. κατὰ συμβεβηκός, per accidens. *Cap. 2.*

23. Per se tenditur uvea, cum morbus in ipsâ uveâ con-
sistit. Est verò is vel intemperies; quando ut pars simi-
laris exiccatur: vel tumor p. n. cum ut pars organica hume-
ctatur, fluentibus ad illam humoribus, & tumorem exci-
tantibus. Ex quibus sicca quidem uveæ intemperies cura-
tu difficilis est: morbi verò organici, qui à superfluis hu-
moribus profecti, ut tumores, v. g. phlegmone, scirrhi, ab-
cessus &c. non item. A perito enim Medico facili nego-
tio curantur. *Cap. 2.*

24. Per accidens tenditur eadem uvea, cum velut uter,
aut vesica impleta, ab humoribus, qui inter ipsam & humo-
rem crystallinum sunt acervati, in omnem partem disten-
ditur. *Cap. 2.*

25. Præter hosce pupillæ, uveæ ipsius, & aquei humoris
affectus etiam alij sunt, à quibus visus, aut impeditur, aut
omninò aboletur. Et in uveâ quidem continui solutio est:
quæ similaribus & dissimilaribus partibus est communis.
Sub eâ verò vulnus & ulcus cōprehenduntur: quæ si adeò
sint magna, ut uvea *ικανώς*, abundè disrumpatur, humórq;
aqueus extra illam effundatur, adeo ut jam corneam attingat,
duo *ἄτοπα*, absurda, hoc in casu accidere est necesse.
I. ut uvea super crystallinum decidat. II. ut spiritus à cere-
bro in pupillam universam non perveniat. Causa est: quia
per vulnus & ulcus magna ejus portio effluit. Ambo autem,
vel alterum duntaxat eorum visui officere, ex dictis liquet.
Cap. 2.

26. *Haftenus docuimus* quomodo affectus tunicæ uveæ cau-

sic sint symptomatum in visu. Sequitur, ut quo pacto *vitiū humoris aquei* eidem incommodent, explicemus. *Cap. 2.*

27. Incommodat autem humor iste, si vitium habeat in quantitate, aut qualitate. In quantitate, si justo fuerit copiosior, aut parcius: quemadmodum antea dictum. In qualitate, si peccaverit in consistentiâ & colore; de quibus vitiis jam dicendum. *Cap. 2.*

28. *Vitium consistentiæ est*, si aqueus humor se ipso sit crassior. Obtundit enim videndi aciem, facitque, ut neque ea, quæ procul absunt, neque propinqua accuratè videantur. Quod si valdè crassus sit, quemadmodum in *ὑποχόμασι*, suffusionibus, accidit, visum adimit. Sin totum uveæ foramen à crasso illic consistente humore non sit obtenebratum, sed aliqua pars pura relinquatur, per illam res externas singulas solas nihilò deterius, quàm antea, non tamè uno tēpore multas vident; eò quòd visionis conus factus sit angustior. Si verò in pupillæ centro exigua cōsistat suffusio, partibus, quæ in circuitu sunt, manentibus puris, tūm media objecti pars haud videtur; reliquæ verò sensum immutant; ideòque omnia ijs, qui ita laborant, fenestrata esse videntur. Causa est: quia quod in medio non videtur, excisum esse putatur. *Cap. 2.*

29. Cæterum, accidit aliquando, ut divulsâ, nec inter se conjuncta crassa corpora in humore aqueo fluitent. Ideòque ijs, qui sic habent, perinde ac si extrinsecus culices & muscæ circumferantur & obvolitent, imaginationem præbent. *Cap. 2.*

30. Sæpè etiam propter crassioris humoris substantiam velut simulachrum quoddam sibi apparere arbitrantur. Cujusmodi simulachri apparitio ijs maximè obtingit, qui à somno expergiscuntur: præcipuè verò pueris, & iis, qui plusculum vini biberunt, aut aliâs capite sunt pleno. *Cap. 2.*

31. *Vitium aquei humoris in colore varium est.* Aut enim humor

humor iste fuscus est, aut alius. Et vel æqualiter, vel inæqualiter eo est colore tinctus. *Cap. 2.*

32. Fuscus color facit, ut homo quasi per nebulam, aut fumum videat. Alius aliam visibilium imaginem repræsentat. Talia enim apparent visa, quale est, per quod cernimus, medium. Itaque mutato aquei humoris colore, mutata etiam, quæ per ipsam cernuntur, omnia putantur. *Cap. 2.*

33. Ex hoc symptomatum genere sunt visa eorum, qui suffusione laborant. Item, quibus per κρίσεις morborum sanguis è naribus fluxurus est: aut qui vomituri sunt. Adhæc, quibus ob crystallini & aquei humoris puritatē, adeo acutus & exactus est visus, ut ne minimum quidem sensile illos lateat: exhalationes verò à ventriculo feruntur sursum; præsertim ubi non probè concoxerint. Nam hi omnes ejusmodi rerum imagines vident, quæ oculis eorum obversari solent, qui suffusione infestantur. *Cap. 2.*

34. Symptomatum verò magnitudo semper affectus, unde nascuntur, magnitudini respondet. Nam si affectus sint parvi, parva quoque visivæ actionis noxa est. Sin majores, noxa ejus est major. Si verò plurimum à naturali statu recesserunt, actio prorsus aboletur. Hocq; non tantum verum est in jam declaratis aquei humoris vitiis: verum etiam in humoris crystallini & uveæ tunicæ affectibus, qui supra commemorati. *Cap. 2.*

35. *Accedamus ad vitia spiritus animalis*, quæ non minùs, ac vitia humoris crystallini, uveæ tunicæ & aquei humoris, visionem lædunt.

36. Est verò ratione qualitatis, vel exquisitè purus, velut æther, h. e. cœlum clarum, nubibusque minimè obductum: vel humidus, ac nebulae instar turbidus. Ratione verò quantitatis, aut multus & copiosus: aut paucus. *Cap. 2.*

37. *Multus & purus* etiam distantissima cernit, & exactè

discernit. *Paucus*, sed *purus*, propinqua discernit accuratè, remota non videt. *Humidus & multus* distantia quidem videt, sed non exquisitè & distinctè. *Humidus & paucus*, neque exquisitè, neque longissimè videt. *Cap. 2.*

38. *Ad tunicam progrediamur corneam*, cujus quoque affectus visioni non parum obsunt. Sunt autem vel similes, vel dissimiles: vel communes. Ad similes referuntur intemperies: sub quâ crassitiem, densitatem, humiditatem & siccitatem corneæ comprehendimus. Ad dissimiles reducuntur tumores p.n. Quidam eò quoque vitiosos corneæ colores pertinere autumant. Ad communes vulnera & ulcera revocantur.

39. *Crassior densiorq; cornea*, quæ crystallino humori est objecta, hebetudinem visûs efficit. *Humidior* non hanc solum inducit: verum etiam facit, ut, qui sic affectus est, per nebulam, aut tenebras, aut vaporem aliquem fumumve se videre arbitretur. *Alieni colores παρόρασις*, hallucinationem pariunt, h.e. visionem depravatam. Talia enim, ut antea dictum, visa apparent, quale est medium, per quod cernimus. Hinc, cum in ictericis internum medium bilioso sit infectum colore, omnia, quæ cernunt, flava esse judicant. In hypophagmate autem, h. e. in venarum tunicæ adnatæ rupturâ, factâ ex ictu & percussione, adeò ut in extimâ oculi parte veluti sanguinis puncta appareant, omnia videntur rubra. *Ulcus notatu dignum* duplici de causâ visum lædit. I. quia redundantem humorem in oculo acervat. II. quia sublato medio interno crystallinum cum externo lumine committi cogit. Aliquid enim aquei humoris effundit, ut necesse sit, utream super crystallinum decidere. *Ulcus admodum magnum & profundum* multum aquei humoris effundit: quo fit, ut crystallinus exiccet, pupilla fiat minor: cornea rugetur, & cæcitas succedat. *Idem facit vulnus*: quanquam testetur *Galenus*, visum sibi in puero, quod fuerit

fuerit curatum. Sed raræ hæc sunt sanationes, & inter admiranda numerandæ: Auferunt autem & singula alia, si plurimum fuerint aucta, visum. Neque id mirum: cum sola cornea corrugata visum tollat. Id quod ijs potissimum accidit, qui in extremâ constituti sunt senectute. Quo tempore, cum scilicet cornea corrugata, pupilla diligenter inspicienda. Nam si minor facta est, etiam aqueus humor est imminutus. Sin æqualis manserit, sola cornea affecta est: ut pote arefacta. *Cap. 2.*

40. *Supersunt affectus tunica adnata*, sive conjunctivæ, quam *Galenus* ἐπιπεφυκοῦς ὁµέρα appellat, & palpebrarum: qui & ipsi visui nocent. *Cap. 2.*

41. Præcipui verò affectus tunicæ adnatæ, qui visionem lædunt, sunt inflammatio, sive ὀφθαλμία: χύµωσις, quæ vehemens adnatæ est φλεγµονή, quâ album oculi supra nigrum attollitur, & palpebræ ita invertuntur, ut oculos vix tegant: & περιύγιον; quod membrana est nervosa, ab angulo oculi major orta, & usque ad iridem ejus extensa. Ex quibus ὀφθαλμία quidem visionem lædit per accidens: χύµωσις autem & περιύγιον ratione primariâ & per se. *Cap. 2.*

42. Eodem modo, primò scilicet & per se, magnæ palpebrarum inflammationes, aliique earum tumores p. n. visum impediunt. Eò enim magnitudinis perveniunt, ut jam pupillam obtenebrent ac vitient. *Cap. 3.*

43. Hæc de oculis. Quæ prolixiora fuerunt, quam *Galenus* institutum postulârit. Erat enim ejus propositum, quæ admodum ipse indicat, generalem duntaxat docere methodum, quâ usus quispiam symptomatum causas invenire possit. Verum, cum generalis methodus inveniendi symptomatum causas non nisi peritioribus satisfaciat; præstet autem in particularibus exercitari: idèò non gravatur *Galenus*, modum exercitandi etiam in reliquis sensibus patetfacere: quem in tribus hisce capitibus consistere ait:

I. ut-

I. ut in singulis sensoriis consideretur, quod sit ejus ὄργανον πρῶτον, adeóq; sensationis opifex? II. quæ sint partes, primo sensationis instrumento usum aliquem præstantes? III. qui sint affectus primi sensûs instrumenti? qui facultatis? qui denique earum partium, quæ primario organo usum præstant? *Cap. 3.*

44. *Edifferamus ergò causas symptomatum auditûs* : quæ sunt βαρυκοΐα & κωφότης, audiendi gravitas & surditas.

45. Horum verò symptomatum causa triplex esse videtur. Vel affectus alicujus particulæ, aurem constituentis: vel nervus ἀκουσικὸς laborans: vel cerebrum ipsum, quod ea in parte læsum, unde nervus oritur. *Cap. 3.*

46. Omnia namque ἀναλογία quadam iis, quæ de oculis dicta sunt, respondent. Etenim, quam rationem in oculo crystallinus humor habet, eam in auribus habet interna auditorii meatus extremitas, ubi dilatatum nervum attingit. Est autem crystallinus in oculo primum visûs ὄργανον. Erit igitur etiam in auribus interna auditorij meatus extremitas, primum instrumentum auditûs. Omnes verò partes, quæ extra hunc nervum in anfractu meatûs sitæ sunt; ἀναλογία illis respondent partibus, quæ crystallino aliquem usum præstant. Ut enim reliquæ omnes oculi partes crystallini gratiâ factæ sunt: ita quoque hæ, quæ extrinsecus in meatûs anfractu consistunt, dilatati nervi causâ. *Cap. 3.*

47. Proinde harum partium morbi, intemperies nimium, obstructions à tumoribus p.n. & cōtinui solutiones, ab illis hūc sunt transferendi, & aurium partibus accommodandi. In similaribus enim reperiuntur intemperies & continui solutiones; in meatu verò obstructions: quarum causæ sunt variæ: nempe abscessus, phlegmone, scirrhus, œdema, tumor alius, callosum aliquod, aut carnosum βλάστημα, h. e. germen, & sordes, quæ in auribus generari consueverunt. *Cap. 3.*

48. *Transseamus ad symptomatum causas in gustu & olfactu.*

49. Eas verò nobis patefaciet constitutio partium : quæ admodum eadem etiam priorum symptomatum, quæ in visu & auditu observantur, causas nobis indicavit. *Cap. 4.*

50. Quare si horum symptomatum causas methodo invenire voluerimus, necesse est, ut *πρῶτον ἀσθητικὸν ὄργανον*, itémq; reliquas partes, quæ totum gustûs & olfactus ὄργανον complent, noscamus. *Cap. 4.*

51. Est autem gustûs sensorium, lingua; olfactûs, cerebri ventriculi. Inferuit quidem lingua duabus facultatibus : sentiendi scil. & movendi ; verùm hoc in loco tantùm ut gustûs instrumentum consideratur. *Cap. 4.*

52. *Gustûs* autem symptomata duo sunt : unum, sapores planè non sentire, qui gustus dicitur abolitus : alterum, sapores malè sentire : quod fit dupliciter Primum, eos sentire ἀμυδρῶς, obscurè & debilitèr : qui gustus est diminutus : deinde παρασπαστικῶς, depravatè : qui gustus corruptus nuncupatur. *Cap. 4.*

53. Debilis, sive diminutus gustus, ἀνάλογος est hebetudini visûs, quam Græci ἀμβλυωπίαν vocant : & auditûs gravitati, quam iidem βαρηκοίαν appellant. Depravatus παραρῶσι in visu, & παρακῆσι in auditu proportionè respondet. Den quæ abolitus in visu cæcitati : in auditu surditati similis est. *Cap. 4.*

54. Porro, causæ aboliti, diminuti & depravati gustûs sunt morbi, quemadmodum & aliorum symptomatum. Afficiunt autem vel facultatem, quò minùs illa linguæ cōmunicari possit : vel linguæ corpus simile, seu parenchyma, carnemve ejus propriam : vel tunicam, linguam ambientem : vel nervos linguæ, qui sunt gustatorij : vel eam cerebri partem, unde nervi illi exoriuntur. Et sunt morbi isti vulgò cogniti. Sunt enim vel similes : ut octo intemperies, vel dissimiles : ut obstructions, compressiones, & tumores

mores p. n. vel communes: ut vulnera & ulcera. Et gustandi sensum vel abolent prorsus: vel saltem difficilem reddunt. *Cap. 4.*

55. Depravatè vero sentit lingua sapores, ubi alieno humore fuerit imbuta: quo in casu accidit, ut omnia, quæ gustantur, vel falsum, vel amarem, vel alium quempiam absurdum saporem, ἄρρηλον ἢ ῥητὴν, ineffabilem, aut ineffabilem, præseferre videantur. *Cap. 4.*

56. Simile est hoc symptoma ei, quod in suffusis accidit. Nam quemadmodum in suffusis visoria facultas iudicat, foris se videre ea, quæ in oculo apparent: sic & gustandi facultas alienos sapores, quibus lingua infecta est, sensibilibus imputat. In ictericis, v. g. bilis amarorem, non linguæ, sed eorum, quæ gustat, πᾶθος esse suspicatur. In aliis verò affectibus falsedinem, aut acrem, cibis inesse imaginatur. *Cap. 4.*

57. Causa verò, quod amara, salsave sentiantur, quæ tamen dulcia sunt, hæc est: quia sensibile foris adueniens vitiosum succum, quo lingua est infecta, & qui prius quieverat, movet excitatque. Ex quo fit, ut gustandi facultas, non id, quod advenit, sed potius quod in linguâ redundat, biliosum v. g. falsumve succum, sentiat. *Cap. 4.*

58. Evenit tamen interdum, quamvis rarò, ut, priusquam aliquid gustemus, succi alieni linguam imbuentes sentiantur: idque propter exquisitum gustandi sensum. Simile namque hic accidit illi, quod in stomachicis usu venire affectibus cõperimus. In his enim, aut suffusionis symptomata incidunt: aut soni sentiuntur in auribus, nullâ re foris strepente: aut odores percipiuntur in naribus, nullâ extrinsecus occurrente re odoratâ. *Cap. 4.*

59. *Sequuntur cause symptomatum in olfactu*, quas Galenus eadem planè methodo colligit, quâ reliquorum symptomatum: nimirum à læsâ olfactûs facultate: à primario il-

lius

lius instrumento : & iis, quæ huic usum aliquem præbent, partibus.

60. Infervit autem nasus, non secùs ac lingua, facultati duplici. Est enim veluti finis, sive terminus aliquis instrumentorum olfactûs ac respirationis. Per eum siquidem odores feruntur ad organa olfactûs : & aër inspiratione attractus deducitur ad fauces: inde ad laryngem : ab hoc ad arteriam asperam : à quâ tandem ad bronchia pulmonum vehitur. *Cap. 4.*

61. Cùm igitur nasus non solùm respirationi, sed etiam olfactui famuletur, necesse est, ut morbo affectus efficiat, quò odores vel deterius, vel planè non sentiantur. *Cap. 4.*

62. Morbi, qui tollunt, minuunt, aut corrumpunt olfactum, varias occupant partes: v.g. meatum nasi, membranam ejus internam, ossa colatoria, processus cerebri mammillares, & cerebri ventriculos anteriores : sùntque vel intemperies: vel obstructions: vel continui solutiones: sicut & in sensoriiis visus, auditus, & gustûs. *Cap. 4.*

63. Meatum nasi afficiunt obstructions, quæ impediunt, quò minùs odores ferantur ad olfactus organum. Fiunt autem obstructions à vehementi percussione, sive cõtritione: à polypo: aut alio quopiam tumore p. n. *Cap. 4.*

64. Idem obstructionis morbus obsidet etiam ossa colatoria, quæ sunt cribri in modum foraminulenta, ob id cribriformia appellata. Item, cerebri processus, qui dicuntur mammillares, cerebrique ventriculos anticos. *Cap. 4.*

65. Non tantùm verò obstructio, sed & intemperies istos cerebri ventriculos, & processus, spiritûsq; ejus occupat in catarrhis, gravedinibus, & oppletionem ventriculorû, quæ vel à calore, vel à frigore, vel ab humore aliquo facta. *Cap. 4.*

66. Imò verò & harum partium, tùm compressiones, tùm sectiones olfactum, aut difficilem reddunt, aut prorsùs abolent. *Cap. 4.*

67. Depravatus autem, ac velut errans olfactus fit, ob-
tiosum aliquem humorem in naso contentū, qui sc̄dum
exhalando odorem vapores, qui à vicinis corporibus ad ol-
factus organum feruntur, corrumpit: quemadmodum ac-
cidit in ozænâ, putrido narium ulcere, ex quo putridus e-
mergit odor, qui vapores à rebus etiam fragrantissimis cla-
tos depravat. *Cap. 4.*

68. Estque depravatus iste olfactus similis depravato gu-
stui, quo, qui ic̄terici sunt, laborant. Ut enim hi omnia,
etsi dulcia sint, amara putant: sic illi, licet res odorentur
fragrantissimas, illas tamen foetidas arbitrantur: quia ob or-
gani corruptionem tales eas percipiunt. *Cap. 4.*

69. *De causis symptomatum*, quæ iis observantur in sensi-
bus, qui in certis & peculiaribus, sive propriis fiunt animan-
tis particulis, dissertatum est hætenùs. *Supereſt, ut dicatur*
de causis symptomatum, quæ eo in sensu accidere consueverunt,
qui omnibus partibus sentientibus communis est, & ἀφ᾽ ἑνὸς, Τὰ αὐτὰ
nominatur. Cap. 5.

70. Quemadmodum verò in cæteris sensibus tria fiunt
symptomatum genera: abolitio, diminutio, & depravatio:
ita totidem etiam in tactu eveniunt: tactus scil. aboli-
tus, diminutus, qui & difficilis ac imbecillis vocatur: & de-
pravatus. Quæ tamen symptomata non possunt propriis
exprimi nominibus: sed duntaxat communibus. In visu
quidem symptomata hæc proprias sortita sunt appellatio-
nes: & dicuntur τυφλότης, cæcitas: ἀμβλυωπία, visus hebe-
tudo, sive obscuritas: & παρόρασις, hallucinatio. In auditu
κοφάτης, surditas: βαρυκοΐα, auditûs gravitas, sive difficultas:
& παράκσις, ἢ παρακοή, ἢ παράκσις, corrupta & depravata
auditio. Nil enim refert in præsentia, quibus quis nomi-
nibus utatur. *Cap. 5.*

71. At αἰμωδίας nomen & symptoma tactus est peculia-
re. Fit autem potissimum in ore ac dentibus, ob esum aci-
dorum

dorum acerborumque ciborum. *Νάρκη, stupor*, affectus est compositus ex *δυσαισθησία* & *δυσκίνησία*. Accidit corpori toti: præcipuè verò artubus. Causas habet, vel externas: v.g. frigus, compressionem nervosorum corporum, & contactum piscis marini, qui torpedo nuncupatur: vel internas: ut vitam desidem & ignavam: quæ crudorum humorum, stuporem subinde generantium, ferax est: copiam ciborum, vel crassorum, vel lentorum: qui nervos obstruunt, spiritusque animalis affluxum impediunt: denique prægressam solitam alicujus vacuationis suppressionem: v.g. mensium, hæmorrhoidum, alvi defectionis, vomitus &c. Tum quippe supervacua quæ sunt, ad loca nervosa transferuntur. *Cap. 5.*

72. Causa ergò *stuporis* συνεχής, ἡ συνεκτική, ἡ προσεχής, aut quomodocunque quispiam eam nominare velit, est talis aliquis affectus in nervo, ut sentiendi movendique facultatem à cerebro demissam impedire possit. *Cap. 5.*

73. Nervus autem duplex est: vel enim *πόρον*, cavitatem & meatum habet: quemadmodum *ἐναργῶς*, manifestè & evidenter in optico apparet: vel non habet. Si habet, facultas sentiendi & movendi bifariam impeditur: nimirum δι' ἐμφράξιν, propter obstructionem: & διὰ θλίψιν, compressionem. Si non habet, trifariam: I. διὰ πύλιν, propter constrictionem. II. διὰ ψύξιν, propter frigus. III. διὰ θλίψιν, propter compressionem. *Cap. 5.*

74. Quòd hæc omnia animalempedire possint facultatem, notius est, quàm ut pluribus probari debeat.

75. Sed hoc forassis facilè aliquis in nervis, qui *ἐναργῶς* cavi sunt, & *πόρον* habent, concesserit: nequaquam autem in iis, qui *πόρον* carent. Ideoque istud confirmandum est. *Cap. 5.*

76. Si substantia nervi crassior facta sit, facultas à cerebro per nervum tranare nequit. Declarari hoc potest aquæ & aëris exemplo. Nam quemadmodum Solis radii per aë-

rem nebulosum, ac nubibus obductum, fumôq; obscuratum, aut aquam cœno, limove turbatam, ob medium crassius, transire nequeunt: sic quoque facultas animalis per nervum nimis crassum ac durum permeare non potest. *Cap. 5.*

77. Fit autem crassior, vel à crassis lentisque humoribus, quibus alitur: vel à vehementi frigore, quo constringitur. *Cap. 5.*

78. Constringitur autem, comprimitur, coarctaturque nervus non solum à frigore: verum etiam à rei duræ, ejusq; externæ, innixu: & sic ne tùm quidem expeditum transitum præbet. Hujus generis sunt, constringentes laquei & manus, & comprimentes tumores partiũ nervo vicini: phlegmone scil. atq; scirrhi. Ossâ item luxata & fracta. Hæc quippe omnia arctiores reddunt nervos, comprimendo coarctandóque. *Cap. 5.*

79. Per hosce affectus nervi principiò quidem fiunt νάρκωσις, stupidi: postea verò omninò & sensus, & motus expeites: vocaturque hoc ipsorum vitium παράλυσις, resolutio. *Cap. 5.*

80. Hæc quanquam γένει, genere cum stupore conveniat: μέγεθει tamen, magnitudine ab eodem differt. Nam in stupore est tantum sensus & motus difficultas: in παράλυσει autem omnimoda privatio. *Cap. 5.*

81. Est autem nervorum origo cerebrum, & spinalis medulla. Proinde *omnibus totius corporis nervis resolutis*, illicò totum corpus, & sensu, & motu privatur: vocaturque malum istud ἀποπληξία: quæ, quia respirationem tollit, celerissimam mortem adfert. *Læsio autem spinalis medullæ principio*, motus & sensus tantum in capite manet: quia septem paria nervorum, à cerebro originem ducentium, minimè resoluta sunt. *Læsio cerebro*, omnes ex eo nati nervi læduntur: ideóque sensus & motus in omnibus partibus tollitur.

Læsio

Lesâ spinali medullâ infra exortum eorum nervorum, qui tharacem movent; idque vel quia vertebra aliqua luxata: vel quia aliâ ratione affecta: tùm, siquidem malum magnum sit & vehemens, omnes inferiores partes, & motu, & sensu privantur. Sin levius, stupidi fiunt homines; non tamen moriuntur: cò quòd respiratio servetur. Lesâ spinali medullâ juxta vertebam quintam, manus sensum & motum amittunt. Lesâ juxta sextam, non omnes primæ brachij partes manent illæ. Multoquæ minus, si (spinalis medulla circa septimam vertebam) laboreat. Quodsi verò circa octavam affligatur, quàm minimùm læditur. Nullam verò noxam manus sentiet, si medulla spinalis post octavam malè habeat. At verò vox perit, quibus spinalis medulla in cervice ægrotat; verùm id non in omnibus spinæ vertebis. Cognoscenda hæc sunt ex doctrinâ de nervorum divaricatione. Nam quarum partium nervi affecti sunt, eæ ipsæ etiam defectum in motu & sensu patiuntur. Cap. 5.

82. Sed quæ causâ est, inquit, quòd interdum sensus maneat, & aboleatur motus; & contrà, sensus pereat, illæso motu? Respondet *Galenus*, si partes per unum & eundem nervum sensum & motum habent, necesse esse, ut illius nervi morbum sensus simul ac motus amissio sequatur. Si verò pars aliqua duplici nervorum genere sit prædita, ita ut alius motum, alius sensum præbeat, quemadmodum duplex istud nervorum genus deprehendimus in linguâ & oculis: nullam quæstionis in reddendâ causâ esse perplexitatem. Nam cum duplex nervorum genus obtineat: unum quidem sensui: alterum verò motui destinatum; priore læso, perit sensus: posteriori affecto, motus amittitur. In illis autem partibus, in quibus duntaxat nervi sunt, hunc in modum distinguit. Si ablatâ cute subjectus musculus, qui nudus est, immobilis appareat: tangentes autem sentiat, noxa illi contigit exigua. Tantum quippe animalis facultatis suscipit, quan-

quantum ad sentiendum satis est: ad movendum verò nequaquam. Cùm enim sensus in patiendo, motus verò in agendo consistat, plus facultatis ad motum musculi, quàm ad sensum requiritur. At nunquam accidere deprehendes, ut nudus musculus moveatur, sensu verò privetur. Si verò musculus nudus non sit, sed cute tectus, fieri potest, ut moveatur: nihil autem sentiat. Ratio est: quoniam nervus, qui ad cutem pertinet, laborat: qui ad musculum, nequaquam. Sensus ergò perit, & motus manet. Eadèmq; ratio est, si duorum musculorum alter moveatur, alter verò immobilis sit: aut alter sentiat, alter sensu careat. Cujus enim nervus illæsus est, is moveri & sentire potest. Cujus læsus, has functiones amittit. *Cap. 5.*

Tractatio
nis mem-
brum se-
cundum.

83. DICAMUS *modò de causis voluptatis, sive delectationis, & doloris sensuum.* Omnes enim voluptate & dolore afficiuntur: non tamen *ὁμοίως ἐναργῶς*, æquè evidenter. Nam *πᾶσι* hæc minimùm (*ἥμισυ*) in visu accidunt. In tactu & gustu sũnt evidentissima. Minùs in olfactu & auditu: magis tamen, quàm in visu. *Cap. 6.*

84. Causa duplex est: una communis omnium sensuum: altera singulorum propria.

85. *Communem* tradit *Plato in Timæo*. Sic enim ille. Quicquid corpus nostrũ è suo statu naturali *βιάως ἔ ἀθρόως*, violenter & confertim mutat, id dolorem parit. Quicquid autem ad naturalem statum confertim redit, jucundum est & suave, voluptatèmq; adfert. Communis ergò de *Platonis* sententiã omnis doloris causa, est violenta & cõfertim facta à naturali statu mutatio. Contrà, voluptatis causa communis est, reditus à non naturali ad naturalem statum confertim factus. *Cap. 6.*

86. Hanc eandem causam dat etiam *Hippocrates, Platone* vetustior, quando *lib. de hom.* scribit: his quibus natura muratur, & corrumpitur, dolores excitantur. Hac enim vo-

ce, cor-

ce, *corrumpitur*, & celeritatē, & vehementiam mutationis, quæ ad doloris generationem requiritur, indicat. *Cap. 6.*

87. *Propria* verò *causa doloris* in *TACTU* varia est. I. Violentus caliditatis & frigiditatis occurſus. Hæ enim qualitates vehementer alterant: quia valdè ſunt efficaces, & ad agendum maximè aptæ. II. res contundentes, ſecantes, extendentes & erodentes. Humiditas & ſiccitas, cùm per ſe ſolæ violenter & confertim non agant, haud videntur dolorem parere poſſe. *Cap. 6.*

88. Cæterùm, utraque quidem qualitas, tùm caliditas, cùm frigiditas, dolorem & voluptatem creat: ſed non uno eodémque modo. Nam moderata frigiditas, quòd cogat, cōtrahat, & condenſet, nōdum autē convellat, moleſta non eſt: ſed amica & jucunda. Caliditas verò, quoniam quod in corpore concretum eſt, liquat, voluptatem efficit. Contrà, frigiditas divellendo doloris cauſa eſt: caliditas autem diſſolvendo erodendóq; continuum. *Cap. 6. & l. 4. ſimpl. c. 1.*

89. Quæ contundunt & tendunt, ideò dolorem excitant, quia corporibus rupturæ adferunt periculum, & continuum ſolvunt: quo nomine etiam quæ pungunt & ſecant dolorem inferunt.

90. Hæc autem omnia non inferunt dolorem, niſi dùm ſiunt. Nam cùm facta ſunt, nequaquam dolorem inferunt: niſi per accidens, interventu vel acrium calidorúmque humorum, qui ad partem ulceratam, aut vulneratam accurrunt, cāmque mordent: vel phlegmones, quæ partem undiquaque diſtendit. Tùm enim non ruptionis, aut ſectionis cauſa: ſed potius humorum & phlegmones ratione dolor excitatur. *Cap. 6.*

91. *GUSTUS instrumentum, Lingua*, conſideratur bifariam. I. quatenus tactu participat: II. quatenus proprium guſtus eſt *ὄργανον*. Primâ ratione dolet & contriſtatur, quando à cauſis jam expoſitis, caliditate ſcil. & frigidityte, rebus

D

item

item contudentibus, rumpentibus, secantibus & erodentibus divellitur. Alterâ molestatur à rebus amaris, acidis, acerbis, & acribus. Horum enim singula cōtinuitatem distrahunt ac divellunt. *Cap. 6.*

92. OLFACITUM infestant & molestant, qui à prædictis succis exhalant vapores; eò quòd & ipsi continuum solvant. *Cap. 6.*

93. AUDITUM contristant & turbant vox aspera, magna & admodum velox. Quæ tria cùm in terribilissimo tonitru concurrant, nonnulli omninò auditûs sensu privati sunt. Soni namque violentiâ auditûs ὄργανον divulsum est. *Cap. 6.*

94. VISUM offendunt & corrumpunt maximi splendores; eò quòd plurimùm diferiminent & secernant. At qui secretio ex genere dividendium est. *Cap. 6.*

95. Ex his liquet, in omnibus sensibus cōmune aliquod πᾶσι esse infestans, quod ex continui corporis divisione ac secretionem excitatur, ubi scil. ἀθρόως incidit; h. e. vehementer & subito. Id quod etiam *Platonis* & *Hippocratis* verba, suprà allegata, satis confirmant; quæ testantur, sensum molestum, tristantem, cruciantem, laboriosum, seu dolorificum, à pathemate violento ac repentino proficisci. *Cap. 6.*

96. *Atq. hæ sunt causæ doloris in sensibus. Videamus voluptatis & delectationis.* *Cap. 6.*

97. Sunt autem dictis contrariæ; quia & ipsum πᾶσι, Voluptas, priori, ipsi scil. dolori, contrarium est. Nam si id, quod periculum subit divulsionis, h. e. eò pervenit, ut divellatur, & continui patiatur solutionem, confertim ad statum redeat naturalem, voluptatem & delectationē parit. *Cap. 6.*

98. Declarari hoc potest in omnibus sensibus, & primùm quidem in VISU. *Cap. 6.*

99. Jucundissimum oculis spectaculum est τὸ κινῆν, quod est

est *cœruleum*: maximè verò dolorificum, τότε λαμπρὸν καὶ λευκὸν, quod *splendidum* est & *album*, ut Sol. Cap. 6.

100. Secundum locum inter colores, qui visum delectant, *fuscus* tenet, quem Græci Φαῖδον appellant: inter eos verò, qui eundem contristant, *albus*. Hic quidem, quia visum διακρίνει καὶ διαλύει, segregat & dissolvit: is verò, quoniam eundem ἀβιάτως συνάγει, citra violentiam cogit. Ἀβιάτως dicimus, propter colorem nigrum, qui quidem & ipse visum cogit: sed βιάως, violenter: ideòque non, ut fuscus, visui iucundus est. Cap. 6.

101. Quod *nigerrimum* est, minus visum infestat, quàm quod est *splendidissimum*. Causa est, non quòd contrarium, hoc est nigerrimum, minus triste sit, quàm splendidissimū, quod visui est συγγενές, cognatum. Nam cùm contrarium sit, molestum quoque ac triste sit oportet. Sed propterea, quòd visus ὄργανον sit splendidum: omnis autem splendor sit tenuis substantiæ: nigrum verò partium crassarum. At ἐν τῇ φύσει δρασικώτερόν ἐστι τὸ λεπτομέρès τῷ παχυμερῆς, naturā comparatum est, ut quod tenuium est partium efficacius sit eo, quod est partium crassarum. Id enim ad intima quæque penetrat: hoc contra in superficie hæret. Sic Sol, licet splendore suo visui sit cognatus; tamē noxam illi infert celerem: quoniam λεπτομέρès, ac propterea etiam δρασικὸς. Nam brevissimo tempore à Solis splendore lædimur: quoniā ab ejus splendore excellenti visus acies statim dissipatur. Non sic vero à tenebris. In ijs enim diutius aliquem versari oportet, priusquā parem noxam visui inferāt. Sensim quippe & paulatim visus in profundis tenebris crassior obscuriorque redditur, aut planè extinguitur. Cap. 6.

102. Ex quibus patet, cœruleum colorem visui iucundissimum esse, maximèque utilē: verum non illi, qui à Sole est dissipatus: huic enim, utpote νοσῶντι, contrarium potius est remedio. Ei vero, qui ὑγιάνει, sanus est, sed fati-

gatus. color cœruleus, aut fuscus, spectaculum est saluber-
rimum. Non enim visum segregat, ut albus & splendidus:
nec violenter cogit atque extinguit, sicuti niger. *Cap. 6.*

103. Sunt autem fuscus & cœruleus medij moderatijq;
colores, qui secundum *Platonis* sententiam ex contrarijs ex-
tremisque invicem mixtis nascuntur. Et fuscus quidem ex
albo & nigro compositus est: cœruleus autem ex albo &
splendido, tùm coëuntibus, tùm in plurimum nigrum in-
cidentibus. Nam si splendidum adjungatur albo, & pluri-
mâ obfundatur nigredine, cœrulcum colorē gignit. *Cap. 6.*

104. Et sic quidem voluptas & dolor in visu se habent. U-
bi tamen obiter notandum, voluptatem, sive delectationē,
quæ à coloribus provenit, non perinde, ac in cæteris sensi-
bus, evidentem esse: cò quòd neque dolor æqualis sit, h. e.
non tantus, quantus in reliquis sensibus percipitur. Cau-
sam *Galenus* refert ad λεπτομερείαν τῆς ὀφθαλμοῦ, quia visio mul-
tò est tenuior, & ut sic loquamur, minùs corporea, quàm
reliquorum sensuum actio. Quare, etsi in visione dolores
magni esse possint: tamen aliorū sensuum collatione mul-
tò censentur remissiores: illi præsertim, qui à segreganti-
bus & cogentibus coloribus proficiuntur. A segreganti-
bus namq; vim nullā patitur visus, propter essentiæ cognat-
ionē. Suâ enim sponte in id fertur, quod illi noxam illatu-
rum est, nimirum ad lucidum, splendidumve, ac dissipan-
tem colorem. Est quippe, ut antè dictum, visus ὀφθαλμοῦ splē-
didum a lucidum. Non ergò à segregantibus noxam pa-
titur notatu dignam, ob naturæ suæ cum eo, quod segre-
gat, similitudinem & convenientiam. A cogentibus verò,
etsi paulò majorem, quàm à dissipantibus dolorem sentiat:
tamen, cùm ea, quæ cogunt, crassarum sint partiū, ob suā
transmutationis infirmitatem vehementem dolorem in-
ferre nequeunt. Tenue namque à crasso debiliter cogitur.
Cap. 6.

105. Pergamus ad ea, quæ AUDITUM oblectant & lædunt.

106. Ea verò sunt voces & soni. Et auditum quidem vehementer delectat vox λαισγῆτη, lenissima, & βραδυγῆτη, tardissima: lædit verò huic contraria, nempe τραχυγῆτη & γαχιση, asperrima & velocissima. Cap. 6.

107. Et sunt quidem sano auditui tales voces jucundæ ac molestæ. Defatigato autem præter lenem & tardam parva quoque amica est & grata. Aegrotanti jucunda est, quæ lenissima, tardissima, & minima. Gratius adhuc silentium est. Hoc enim proportionem quadam tenebris respondet: quæ sicuti visui laboranti jucundæ sunt, sic & silentium male affecto auditui. Cap. 6.

108. Quæ OLFACTUM voluptate quadam ac dolore afficiunt, odores sunt. Ut autem voluptas in auditu evidentior est, quàm in visu: sic adhuc in olfactu, gustu & tactu manifestior est, quàm in auditu. Ratio est: quia sensus inferiores crassioris sunt essentiae, quàm superiores. Est enim Visus sensus αὐγῆς, splendoris: Auditus αἰέρος, æris: Olfactus ἀτμῆς, vaporis: Gustus ὑγρᾶς ἐσίας, essentiae humidæ: denique Tactus σερεῖ σώματος, corporis solidi. At splendor subtilior is naturæ est quàm ær: ær quàm vapor: vapor quàm humor: quia vapor ὑγρὸν est λελεπισμένον, humor extenuatus: humor quàm corpus solidum. Cap. 6.

109. Agit autem Galenus de Olfactu & Gustu simul: quia dicit, sensus esse ὁμογενεῖς, cognatos: & Olfactum à Gustu essentiae solum tenuitate differre arbitratur. Cap. 6.

110. Gustus ergo, vel κατὰ φύσιν se habet: vel est κεκακώμενος, nuper aliquid vitij contraxit: vel νοσεία, ægrotat. κατὰ φύσιν ἔχοντι jucundissimi sunt succi dulces & pingues. Sunt enim οἰκειότατα τῇ τῷ σώματι ἐσία, essentiae corporis maximè familiares: quia temperati. Reliqui, quia à temperie longius absunt, ut amari, acres, falsi, acidi, & acerbi, eisdem molesti sunt atque ingrati. Κεκακωμένῳ amicus est suc-

cus pinguis, si vitium contractum sit in asperitate. Hanc enim præ cæteris lenit. Νοσέονσι appropriati sunt, qui causis morbificis contrarij sunt: crassīs v. g. attenuantes; tenuibus in crassiantes: lentis dissecantes; exasperantibus lævigantes: calidis frigidi: frigidis calidi: siccis humidi: humidis siccis: de quibus dictum *l. 4. simplic. Cap. 6.*

111. Cæterum, natura horum saporum judicium linguæ commisit propterea, quia ijs delectatur succis, quos Ventriculus requirit. Cujus consensûs causa est tunica, quæ linguam investit. Ventriculus vicissim venis ac visceribus inservit. Tales enim succos appetit, quales venæ ac viscera postulant. *Cap. 6.*

112. OLEFACTUS instrumentum odores insuaves quidem ac molestos sentit: suaves autem & jucundos, perinde atque Visus & Auditus, nequaquam. Tenui enim constant essentiâ: ideoque nullum in se validum patiuntur pathema. Tactus verò & Gustus, quanquam ne ipsi quidem vehemens aliquid in se sentiant: tamen exiguum tale aliquod πόνημα interdum patiuntur. Gustus quidem à dulci pituitâ, in linguâ contentâ, quàm *Praxagoras* & *Philotinus* dulcē succum nuncupârunt: Tactus verò motum in se non rarò sentit, cùm ad naturam suam redit, ijs, quæ ipsum intrinsecus exasperabant, vel concoctis, vel sensibilibiter insensibiliterve evacuatis. Quin etiam, qui lassitudine laborant, posteaquâ mollihus frictionibus, aut balneis corpus emollitum fuerit, quiescunt, evidentem voluptatē percipiunt. Hæc autē afficiuntur magis inter fricandū & lavandum. Neq; verò lassatæ solum partes lotionibus & mollihus frictionibus delectantur plurimum: sed etiam eæ, quæ vehementer dolent, ex molli duntaxat, blandâ levique attrectatione haud parvum sentiunt solatium. *Cap. 6.*

113. TACTUM oblectant ea omnia, quorum beneficio ad naturalem revertitur habitum. Fit autem reditus iste per ea, quæ causis dolorificis sunt contraria: dummodò, contrari-

erarium quis accipiat, pro ut decet. Sic vero accipiet, si id intelligat, quod primum & per se, nullóque alio interveniente sanationis causa est: non quod προκαταρκτησις, ἢ προκαταρκτηκὴ αἴτις rationem obtinet. Cap. 6.

114. Monere nos hoc voluit etiam Hipp. aphor. 21. §. 5. ubi scribit, frigide multæ perfusionem tetanum in juvene εὐσάκκω, æstivo tempore, curare. Quæ verba si quis inconsideratiùs perpendat, putabit, affectum p.n. aliquando per similia sanari; v.g. tetanum largâ frigidæ perfusione. Verùm res secus se habet. Addit enim Hipp. hanc perfusionem calorem revocare: calorem verò tetani causam solvere. Quibus verbis Hipp. duplicem sanati tenati causam innuit; unam internam, calorem; alteram externam, frigidæ perfusionē. Dispiendum ergò, utra illorum contrarium sit, per quod tetanus curatur. Omnia namq; ad naturalem habitū reducuntur per contraria. Non est autem contrarium istud per quod tetanus tollitur, προκαταρκτηκὴ causa, frigidæ perfusio. Hæc enim non πρώτως, καὶ καθ' ἑαυτήν, tetanum sanat: sed δι' ἑτέρας μέσας, interventu scil. caloris nativi: quem frigidæ perfusio constrictâ densatâq; cute partim repercutit: partim verò diffilari non sinit. Cap. 6.

115. Reditus ergò ad statum naturalem si ἀθρόως fiat, sanatio perficitur cum voluptate. Sin κατὰ μικρὸν, paulatim, ἀνάσθησις est, & sensu haud percipitur. Eadēque ratio est lapsûs à naturali statu ad præternaturalem. Si enim fiat ἀθρόως, violentus est & dolorificus. Sin κατὰ μικρὸν, ἀνάσθησις τῷ. Cap. 6.

116. Genitales partes proprium quid & eximium patiuntur: propterea quòd validissimâ præditæ sint facultate: in masculis quidē expultrice seminis: in fœminis autē, & hâc, & attractrice uteri. Voluit enim natura, ut excretio seminis in maribus, & conceptio in fœminis, seminisque masculini attractio, ingenti cum voluptate esset conjuncta. Cap. 6.

117. Quem-

117. Quemadmodum verò voluptas insita est genitalibus eximia: sic molestia, quæ ex redundante ac retento semine oritur, paulatim ac multo tempore increfcit. Quare, licet vehementer infestet, cùm major sit vitiatò semini vis ad inferendam noxam, quàm menſtruo, veluti. *l. 6. loc. aff. c. 5.* expositum: tamen à magnitudine voluptatis, quæ fit in *συνσεία* connubiali, vincitur. Cùm verò semen, quod molestiat, expellitur, quantò celerius ad statum naturalem perficitur reditus, tantò etiam major nascitur voluptas.

Tractatio
nis mem-
brum ter-
tium.

118. *Sequuntur symptomata, quæ os ventriculi, quod καρδίαν appellant*, afficiunt. Nam & hæc ad tactum pertinere videntur. Nulla quippe pars est, quæ ita exactè sentiat, aut æquè utrumq; principium, Cor & Cerebrum, unà secum affligat, ac orificium istud: quod Medicis etiam *στόμαχος* dicitur. *Cap. 7.*

119. Infert autem orificium ventriculi symptomata hæc, vel *κατὰ συμπαθειαν*: vel *αὐτὸ καθ' ἑαυτὸ*.

120. Κατὰ συμπαθειαν quidem *συγκοπὰς σωματικὰς, καρδιαλγίας, δυσπνοίας, ἀπνοίας, δῆξεις*, sive morsus, *ἐπιληψίας, παρακοπὰς*, sive deliria, & *μελαγχολίας*. Αὐτὸ verò καθ' ἑαυτὸ *ἀνορεξίας, δυσορεξίας, ἢ μοχθηρὰς ὀρέξεις*, h. e. appetitus depravatos. *Cap. 7.*

121. Vocantur *ἀνορεξίαι*, cùm quis nil omninò appetit. *Δυσορεξίαι*, quando *ἀμυδρῶς*, debiliter appetit. *Μοχθηραὶ ὀρέξεις*, ubi vel nimis largam cibi ac potûs quantitatem appetit: vel alienam & peregrinam eorum qualitatem appetit. *Cap. 7.*

122. De horum ergò symptomatum causis ordine nunc dicendum: primum quidem de propriorum: mox illorû, quæ orificium stomachi *κατὰ συμπαθειαν* infert. *Cap. 7.*

123. Sunt autem propria illius symptomata, uti dictum, appetitus abolitus, diminutus, & depravatus: quorum causæ, ut rectius & facilius cognoscantur, *Galenus* & naturam appetitus ac famis, & quo modo ac ratione excitentur, prius exponit.

124. Est

124. Est autem modus generationis iste. Quodlibet, inquit, animal ob calorem solventem & discutientē in perpetuo est substantiæ suæ fluore, & per cutem in ambientem aërem digeritur ac dissipatur. Quo fit, ut partes, quæ sub cute latent, vacuentur, & facultate, quam sibi habent ingenitam, alimentum trahant ex partibus vicinis; ut reparetur, quod est exhaustum. Hæ autem rursus ex sibi proximis alimentum alliciunt: & istæ similiter ex alijs: idq; serie continuâ, donec vacuatio pervenerit tandem ad venas ventriculi, quæ nutrimentum sugere solent ex ventriculo, quemadmodum stirpium radices succū ex visceribus terræ eliciunt. Nam cum appetitus iste & tractus non animalis, sed naturalis sit, haud aliter in animalibus, quàm stirpibus perficitur. Etenim terra, si anni tempora κατὰ φύσιν se habuerint, perpetuò, ventriculi in modum, succum in se habet, quem plantis suppeditet. Quodsi is ob siccitatis excessum exaruerit, plantæ ob alimenti defectum mærescunt. Par ratio animalium est. Illis quippe natura ventriculum, veluti ταμειὸν τροφῆς, cibi promptuarium, est largita. Indidit autem & penuriæ sensum, ut animalia ad cibum potumq; excitentur, & in tempore impleantur: vocaturq; hoc implendi desiderium, ὄρεξις: fitque à penuriæ sensu: cum venæ ex ipso ventriculo velut emulgentes sugentésque trahunt. Ventriculus autem hujusmodi suctionem non ferens, sed tanquam διασπώμενος, divulsus, molestiæ hujus remedium exquirat, cibum: eóq; exhibito, venæ ad illum cōvertuntur, atque ex ipso, quod sibi familiare est, trahunt. Postquam verò venæ, quod satis est, ex ingesto cibo ad se attraxerunt, ventriculus, quātum prius à venis exhaustum est, ad se trahit: quem tractum suctionis sensus sequitur, qui non est, nisi fames. Ex quibus apparet, in appetitûs generatione, quinq; symptomata excitari, quæ se invicem ordine quodam sequuntur. I. est κένωσις, vacuatio, sive exhaustus

itus partium. II. ὁρεξις φυσικὴ τῶν κενωθέντων μορίων, appetitus naturalis vacuatarum partium. III. μύζησις τῆς κοιλίας, ventriculi suctio. IV. αἰσθησις τῆς μύζησεως, suctionis sensus. V. ὁρεξις ψυχικὴ, appetitus animalis. Cap. 7.

125. Cognitâ famis & appetitûs generatione, symptomatum ejus causæ reddendæ sunt. Fertur autem appetitus, vel ad cibum, vel ad potum. Utriusq; verò, aut nullus, aut diminutus, aut corruptus ac depravatus est appetitus. Cap. 7.

126. Nullus cibi appetitus est in ἀνορεξία: diminutus in δυσορεξία: depravatus in ὁρέξει-μοχθηρᾷ. Cap. 7.

127. Ἀνορεξίας causa triplex est. I. quia suctionis sensus perijt. II. quia suctio non fit. III. quia corpus non vacuatur. Cap. 7.

128. Δυσορεξίας causæ sunt eadẽm; sed non tam fortes & vehementes. Cap. 7.

129. Μοχθηρᾷ ὁρέξει causæ duplicis sunt generis: quia hæc ipsa quoque ὁρεξις duplex est: altera κατὰ τὸ ποσὸν ὑπερβάλλουσα, ἢ ἀμείρονα, quæ peccat in nimia ciborum copiâ; altera τῶν ἀλλοκότων, ἢ μοχθηρῶν ποιότητων, quæ est peregrinarum & pravarum qualitatum. Cap. 7.

130. Μοχθηρὰ ὁρεξις, depravata appetentia, quæ modum in ciborum quantitate excedit, & à quibusdam κυνώδης, canina vocatur, causam agnoscit duplicem: acidorum humorum vitium, & plurimam per totum corpus vacuationem: quæ rursus vel ob caloris robur: vel ob retentricis imbecillitatem facta. Ex quibus retentricis quidẽ imbecillitas efficit, ut ingestorum ciborum multa fiat dejectio: caloris verò vehemẽtia in causâ est, ut, cum per eam habitus corporis insigniter vacuetur, cibus per corpus distribuatur. Cap. 7.

131. Quòd autem acidus humor appetitum immodicẽ excitet, inde patet: quia frigidus est. At frigiditas morsum suctioni respondentem inducit. Cap. 7.

132. Propter eandem frigidam qualitatem idem humor
etiam

etiā cibi, non potūs parit appetentiam. Salsi enim, aut biliosi humores ventriculum occupantes sitim potiūs, quā famem creant; idque duabus de causis. I. quia ventriculum calefaciunt & siccant. II. quia succos in ventriculo & venis contentos fundunt: quā fusione factā, partes, ejusmodi humores continentes, implentur. *Cap. 7.*

133. Quemadmodum verò nimia frigiditas constringendo vacuat: sic immodica caliditas fundendo implet. Quare, haud parum ad famem non naturalē, qualis canina est, excitandam frigus in ventriculo confert. Nam & vacua reddit corpora: & tunicas ipsorum cogens constringensq; appetentiam excitat. Contrā, calor appetitum destruit, tribus de causis. I. quia solida corpora resolvit ac relaxat. II. quia eadem ad tractum reddit imbecilliora. III. quia humida corpora fundendo supra modum extendit, atque adeò implet, non vacuat. *Cap. 7.*

134. *Μοχθηρὰ ὄρεξις*, quæ est *ἀλλοκότων ποιότητων*, causam habet pravam aliquod excrementum, quo ventriculi tunicæ sunt imbutæ. Appellatur hoc symptoma *κίτλα*, pica: & accidit aliquando viris, cū vitiosus humor officio ventriculi est impactus. Frequentius autem mulieribus gravidis, pravis humoribus refertis cōtingit. Appetunt enim acida, & acerba: nonnunquam & acria: interdum terram cimoliam, testas, extinctos carbones, absurda edulia alia. Ertaborant complures earum hoc vitio usque ad mensem impregnationis secundum, aut tertium. Quarto absurda appetere cessant: partim quòd noxius humor vomitione sit rejectus: partim quòd tempore concoctus: cum gravida ob fastidium parum cibi sumserit: partim etiam, quòd plenitudo à foetu ipso diminuta. Primis quippe duobus mensibus foetus, utpotè adhuc minimus, adeò ut nondum *ἐμβρυόν*, foetus, sed duntaxat *κνήμα*, conceptus nomen mereatur, parum sanguinis ad se trahit. Ter-

no verò quartoq; major existit, ac propterea largiore indiget alimento. Itaq; tùm non solùm quod in venis est optimum ad se rapit, ut antea: sed quia majorem alimenti copiam postulat, simul aliquid vitiosi attrahit. Quo fit, ut totũ corp⁹ matris plenitudine laborare desinat, minúsq; vitioso succo infestetur. Evadit autem fœtus in ejusmodi matre, quæ κακοχυμία scatet, & κακοχυμότερον, & δυσκραϊώτερον, utpote vitioso nutritus sanguine; nisi mater reliquo imprægnationis tempore bonis cibis utatur. Cap. 7.

135. *Hæc de causis symptomatum, quæ accidunt circa cibi appetitum.* Nunc de illis, quæ circa potum eveniunt.

136. Sunt autem tot in potûs appetentiâ symptomata, quot in cibi. Nam & iste appetitus triplex est: *abolitus, diminutus, & depravatus.* Cap. 7.

137. *Abolitus* veluti στερησις, privatio quædam est, cùm corpus nullâ eget portione: estq; similis anorexiæ ciborum. *Diminutus*, ἐνδεής ὀρεξις, analogus est dysforexiæ. *Depravatus* corrupto respondet ciborum appetitui: & eodem prorsus modo dividitur: nempe in eum, qui est ἀμέτρεσ πομαίον, ac in quantitate peccat: & in illum, qui est μοχθηρῶν πομάτων, vitiosorum potuum, errâtq; in qualitate. Cap. 7.

138. Abolitio potionis duabus fit de causis: I. ob frigoris humorisq; excessum. II. quia ventriculus suum πάθος, h. e. potionis desiderium non sentit. Cap. 7.

139. *Diminutus*, seu deficiens potionis appetitus accidit, ubi jam dictæ duæ causæ adfunt quidem: sed minùs sunt vehementes. Cap. 7.

140. *Depravatus* κατὰ τὸ ποσὸν fit bifariam. I. cùm falsi, aut biliosi humores in ventriculi tunicis continentur. II. quando nativæ in ventriculo humiditas quasi fervet. Tùm enim caloris vehementiâ sitis excitatur. Cap. 7.

141. *Depravatus* κατὰ μοχθηρὰς ποιότητας causam habet humores vitiosos: pro quorũ tamen varietate etiam depravatus iste potionis appetitus varius esse solet. Cap. 7.

142. *Hæc*

142. Hæc symptomata ijs potissimum accidunt, qui longo tempore pravo victu utuntur, ex eòq; sibi malorum humorum copiam acervant. *Cap. 7.*

143. Est autem depravatus portionis appetitus κατὰ τὸ ποσὸν adeò vehemens quandoque, ut expleri non possit. Propterea historiae testatum fecerunt, multos inexplibili siti vitam finivisse. *Quidam* enim, quod ἐχιδνα, viperam (erat aut forsan διψᾶς) devoraverit, & sitim extinguere nequiverit, extinctus est. *Messores* aliqui, qui forrè fortuna vinum biberant, in quo tale aliquod animal fuerat suffocatum, præ siti obierunt. *Alius* vino veteri, eòq; meraco & præcalido, inebriatus, interiit sitibundus. *Non nemo*, qui ἀσιτία καὶ ἀποσία mortem sibi consciscere decreverat, obiit. *Nonnulli* in mari navigantes, & marinam aquam, quæ validè ficit, ob defectum aquæ dulcis, bibentes, expirârunt. *Quidam* deniq; κάυσω laborans, eòque crescente frigidam aquam ingurgitans, sitim delere non potuit. Ideòq; vitam cum morte commutavit. *Cap. 7.*

144. *Hæ sunt cause συμπτώματων*, quæ orificium ventriculi αὐτο κατ' ἐαυτοῦ infert. Dicamus de causis illorum, quæ idem κατὰ συμπαθειαν producit: ejusmodi sunt καρδιαλγία, βέλμος, συγκοπὴ σωματικὴ, ἐπιληψία, κᾶρος, κῶμα, κατὰληψις, παραφροσύνη, μελαγχολία, ἀσφυξία, δύσπνοια, &c.

145. Καρδιαλγία ortum ducit ab humoribus mordacibus, ventriculi os, quod exquisiti sensus est, molestantibus. *Cap. 7.*

146. Βέλμος nascitur ex indigentia cibique defectu, accedente imbecillitate, quæ ex refrigeratione orificij ventriculi contracta. *Cap. 7.*

147. Καρδιαλγίαν verò λεπτοψυχία καὶ κατὰπύσεις, animi defectiones & viriū lapsus consequuntur, duabus de causis: I. ob ἀκρίβειαν τῆς αἰσθήσεως, exquisitum oris ventriculi sensum. II. ob ἐγγύτητα τῆς θέσεως, vicinitatem situs. *Cap. 7.*

148. Caterùm, non hæc modò symptomata affectum ventriculi orificium sequuntur: sed etiam alia: & longè quidem maxima, tùm cordis, tùm cerebri, si 4. causæ concurrant. I. si infestans stomachum affectus fuerit validus. II. si sensus ejus fuerit exquisitissimus. III. si nervorū, aut arteriarum genus fuerit αἰσθητὴς, inbecillum. IV. si debile extiterit cor, aut cerebrum. Hæc namq; duo principia præcipuè in consensum trahuntur. Cap. 7.

149. Sic enim propter infirmitatem stomachi nonnullis ἐπιληψία, & κάρσι, & κώμα, & κατὰλήψεις, & παραφροσύναι, & μελαγχολία accidunt, principio tùm in cerebro, tùm in nervis consentiente. Cap. 7.

150. At quæ cardiacæ vocantur syncopæ, consentiente & in corde, & in arterijs principio, oboriuntur: quæadmodum & ἀσφυξία, & μικροσφυξία, & κακοσφυξία. Cap. 7.

151. Ἀπνοιαί verò accidunt, utroque principio, cerebro & in corde, in συμπάθειαν tracto. Δύσπνοιαί fiūt bifariam. I. ob στενωρίαν τῶν φρένων, constrictionem diaphragmatis. II. ob συμπάθειαν principij utriusque, cerebri scil. & cordis, perinde ut ἀπνοιαί: nisi quòd causæ ἐν δύσπνοίαις minùs sint vehementes. Cap. 7.

152. Causæ autem horum παθημάτων variæ sunt. I. ἰσχυρὰ ψύξις, valida refrigeratio: eaque duplex: vel solitaria, citra alicujus humoris præsentia: vel cum pituitâ admodum frigidâ conjuncta: qualis est, quæ & colore, & consistentiâ vitrofuso similis est: ob id vitrea à Praxagorâ & Philotimò nūcupata. II. Φυσῶδες πνεῦμα ψυχρὸν, spiritus flatulentus frigidus. III. πολλὸν ἰκανῶς ψυχρὸν, potus insigniter frigidus. IV. ἰδέσθον ψυχρὸν, cibus frigidus. V. φάρμακον, valdè frigidum. Hæ namq; omnes causæ primùm os ipsum ventriculi refrigerant, & unâ cum eo, per nervos quidem cerebrum: per magnam verò arteriam cor refrigerant, Cap. 7.

153. *Supersunt causæ illorum symptomatum, quæ in πρῶτῳ* Tractatio
αἰσθητικῷ eveniunt, quod Cerebrum est. Ab hoc enim ve-
lut à fonte, sentiendi facultas in sensuum ὁργανὰ per nervos
derivatur. Id quod ex nervorum præcisione & somno de-
clarari potest. *Cap. 8.*

154. Etenim nervo resecto, illico pars, in quam is est im-
plantatus, sentiendi vim amittit. Et somni tempore, quo
aut nihil, aut parum admodum à cerebri facultate influit,
exteriores sensus omnino otiosi sunt, aut certe debilitè a-
gunt. *Cap. 8.*

155. Quemadmodum verò somni tempore animalis fa-
cultas quiescit: sic contra naturalis operari videtur validius:
præsertim cum à mediocri cibo somnus capitur. Planum
hoc facit concoctio, quæ dormientibus nobis celebratur
optimè: non tantum ea, quæ fit ἐν τῇ γαστρὶ, ventriculo scil.
& hepate: verum etiam, quæ in toto corpore reliquo, sin-
gulisque ejus partibus peragitur. *Cap. 8.*

156. Aequum autem erat, cerebrum aliquando quiesce-
re propterea, quoniam vigiliarum tempore in actione est
perpetuâ, & non parum defatigatur. Opus igitur illi erat,
& requie, & virium instauratione, quam somni tempore con-
sequitur. Eo enim animales spiritus reficiuntur. *Cap. 8.*

157. Obrepat verò somnus præcipuè, cum vel plurimum
facultatis à cerebro defluxit, & spiritus animales liberaliter
sint vacuati: vel ipsummet cerebrum largiter est humecta-
tum. Prior causa probatur ex eo; quoniam ab exercitijs &
laboribus corporis, qui corpus siccant, spiritusq; animales
dissipant, promptius ac profundius dormire solemus. Pos-
terior inde confirmatur: quia à cibo, à vino immoderatiùs
hausto, & à multis calidissq; capitis lotionibus somnus faci-
lè excitatur. Hæc quippe omnia cerebrum humectant. At
humectatione illi opus est, ubi multis actionibus, & fati-
gatum est, & exiccatum. *Cap. 8.*

158. Conciliari autem somnum, ubi cerebrum impletum humectatumq; fuerit, etiam *Aristoteles l. de somn. & vigil.* docet. Quanquam in eo errarit graviter, quod cor *πρῶτον αἰσθητικὸν* statuerit. Hinc est, quod nullam probabilem invenire rationem potuerit, cur cerebro oppleto, *πρῶτον αἰσθητικὸν*, quod ille cor esse dicit, quiescat? Longè namque probabilius causam somni in humorem pulmonis, quàm cerebri rejicere potuisset. Si enim somnus fit *πρῶτον αἰσθητικῷ* humore oppleto; siq; ut *Aristoteles* arbitrabatur, cor illud *πρῶτον αἰσθητικὸν* est; sanè à nullo magis, quàm à pulmonis humore oppleri potest. Hic enim cordi circumpositus est, ut illi serviret. Atqui non cor, sed cerebrum hoc esse *αἰσθητικὸν*, & somni vigiliarumq; sedē, praxis & experientia suadet. Nam in caro, lethargo, comate, & omnibus veteriosis affectibus, non cordi, sed capiti, tanquam morbi radici ac domicilio, medicamenta applicantur, etiam ex illorum sententiâ, qui *Aristoteli* subscribunt. Idem fit in vigilijs, quas deliria & phrenitides excitare consueverunt. *Cap. 8.*

159. Verùm, de his actum alibi pluribus; nempe *l. 3. loc. aff. c. 4.* Hic nôsse expedit causam somni naturalis & non naturalis, comatis scil. cari, & lethargi. *Cap. 8.*

160. Fit autem naturalis somnus, ubi cerebrum à plurimâ actione fatigatum quiescere conatur. Quiescit verò tum maximè, cum nutrix ejus facultas largo fruitur humore, eoque ex vaporibus sursum à cibo latis nato *Cap. 8.*

161. Non naturalis verò somnus generatur, quando cerebrum à frigido multoq; humore gravatur. Tum siquidē coma, & lethargus, aliq; affectus his similes, ut carus & stupor oriuntur. Præcipua enim eorum causa est frigiditas & humiditas; sive quælibet per se & seorsim consistat, sive ambæ simul sint conjunctæ. *Cap. 8.*

162. Hisce qualitatibus prædita sunt medicamenta, quæ

ὄντως ὑπνωτικά, verè somnifera dicuntur: & quæ sic quidem vocantur, somnum autem naturalem minimè inferunt, sed potiùs κῶμα, κάρον, & νάρκη παντὸς τῆς σάματος produ-
cunt. *Cap. 8.*

163. Ὀσίως, & κυρίως, & δευτέρας ὑπνωτικά φάρμακα nominan-
turea, quæ duntaxat, h. e. citra insignem & vehementem
refrigerationem humectant. Quæ verò excellentèr refri-
gerant, neque ὑπνωτικά, neque ἀνάδυνα rectè vocantur, sed
νευρωτικών nomine veniunt. Nam pro somno, coma & ca-
rum: pro ἀνάδυνία ἀναμοθησίαν, ἢ δυσμοθησίαν inferunt: idque
διὰ τὴν ὑπερβολὴν τῆς ψύξεως, propter refrigerationis, quā pol-
lent, excessum. *Cap. 8.*

164. Posterius vitium, quod impropriè dicta ὑπνωτικά,
rectiùs autem nominata νευρωτικά pariunt, νάρκη nuncupa-
tur. Est enim πάθημα istud δυσμοθησία τε ἅμα & δυσκίνησία
τῶν νευρωδῶν μορίων: gigniturque, ut dictum suprā, tùm alijs
ex causis, v. g. nervorum compressione, & torpedine mari-
nâ; tùm verò ex intemperie frigidâ, & medicamentis refri-
gerandi facultate præditis. *Cap. 8.*

165. *Vigiliarum cause* somni causis sunt contrariæ. Ut e-
nim humiditas & frigiditas somnum conciliant ita siccitas
& caliditas vigilias & ἐρεθισμούς, irritationes, vel, ut *l. 2. loc.*
aff. c. ult. Gal. loquitur, πολυκινήσις, efficiunt. Exemplo sit
Φρενίτις, in quâ calidus mordaxq; aliquis humor duo hæc-
ce symptomata creat. *Cap. 8.*

166. Cæterùm, quemadmodum symptomata ista, quæ
sensitivæ actionis sunt læsiones, toti corpori cōmunia sunt:
sic quoq; ea, quæ noxæ sunt actionis motricis, in totum cor-
pus redundant: idq; nullâ aliâ de causâ, quàm quòd ἡ αἰχὴ,
ipsum nimirum cerebrum, quod sensum ac motum omni-
bus corporis partibus communicat, laboret. Nam quem-
admodum in somno profundo omnes sentiendi actiones
sunt impeditæ: ita in apoplexiâ motrices. Et sicut in vigiliâ
F senti-

sentiendi actiones supra modum ab ægris exercentur: sic in *σπασμῶ*, qui in epilepsiâ contingit, omnes partes corporis præter voluntatem convelluntur, ac plus justo moventur. *Cap. 8.*

167. Esse verò communia jam enarrata symptomata, ex eo constat; quia vigilia & convulsio motus sunt *πλημμελῆς*, depravati, ipsius principij *κινητικῆς*, cerebri. Ergò etiam omnium corporis partium. Apoplexia autem & profundus somnus sunt *καταλήψεις* & *ἡσυχία* τῶν ἐνεργειῶν τῆς ἐγκεφαλῆς, detentiones & quietes actionum cerebri. Ergò & singulorum corporis membrorum. *Cap. 8.*

168. Porro, convulsio duplex est: universalis & particularis. Universalis rursùs gemina: una, quæ fit cum delirio & caro: altera, quæ citra delirium & carum accidit, & morbum medullæ cervicalis sequitur. In illâ nil mirum, delirium & carum adesse. Cerebrum enim affectum est. In hac, cum cerebrum non laboret, abesse delirium & carum, consentaneum est rationi. In particulari verò is solùm nervus, qui partem convulsam movet, vitium habet. *Cap. 8.*

169. Quæ autem causâ vera ac genuina sit, tum convulsionis, tum etiam tremoris, palpitationis, & rigoris, quinò est τῆς σφοδρᾶς ψυχρότητος αἰσθησις, vehementis frigoris sensus: sed ἀνώμαλος ἀπαιτος τῆς σώματος σεισμός τε & κλονός, inæqualis totius corporis concussio & agitatio, χαλεπὸν εἶπεν. De illâ tamen aliquid sequenti libro proferetur in medium.

C O R O L L A R I A

Ex thesibus deprompta.

- I. **R**ectène Galenus c. 1. facultates animæ in ψυχικὰς & φυσικὰς dispescat? *Affirm.*
- II. Vtrum facultates rectè dicantur lædi? Non per se: sed per accidens, ratione laesorum organorum.
- III. Sitne humor crystallinus primum visus ὄργανον? *Affirm.*

- IV. An cerebrum sauciatur iterum sanari possit? Disting.
- V. Num optici nervi rectè dicantur cavi? Disting.
- VI. An Galenus rectè exprimat ὀπρᾶνον auditus θ. 46.? Obscure
satus.
- VII. An olfactus ὀπρᾶνον sint cerebri ventriculi anteriores? N.
- VIII. An tactus ὀπρᾶνα sint membrana? Affirm.
- IX. Rectène alij nervi dicantur tantum motorij; alij tantum
sensitivi? N. Sed unus idemq; nervus facultatem ha-
bet, & sensum, & motum communicandi.
- X. Sitné Galeni decisio ad questionem cap. 5. motam suffici-
ens, quâ querebatur, cur pereat sensus, illaso motu: &
contrâ, aboleat motus, maneat sensus? Vix videtur.
- XI. Nunquid cerebrum & spinalis medulla omnium nervo-
rum sint principia? Affirm.
- XII. Vtrum dolor morbus sit, an symptoma? Posterius placet.
- XIII. An doloris unica tantum & proxima sit causa, continui
solutio? Affirm.
- XIV. An odor sit vapor, sive ἀναθυμίασις rerum odoratarū? N.
- XV. Vtrum cor, an cerebrum sit πρῶτον ἀσθητικόν? Cerebrum.
- XVI. Num cerebrum sentiat παθητικῶς, ἀνεργητικῶς tantum?
Posterius extra dubium est. Prius controversum. Si
tamen sentit παθητικῶς medulla cerebri, obscure certè
sentit.
- XVII. Sitné somnus omnimoda sensus & motus privatio? Neg.
- XVIII. Vtrum somnus fiat impedito corde? Neg.
- XIX. An omnis somnus proveniat tantum ab humectato & op-
pleto πρῶτῳ ἀσθητικῷ? Neg.
- XX. An coctiones somni tempore melius peragantur, quàm vi-
giliarum? A.
- XXI. Vtrum vaporabilia vires suas exerceant immoderatâ frigi-
ditate? Neg.
- XXII. An epilepsia ab imperfectâ ventriculorum cerebri obstru-
ctione ortum ducat? Neg.